

113. *Pl. crocodiliceps*: aff. *undulatae* Pöpp. Endl.
caule secundario ancipiti, folio oblongo-ligulato acuto,
pedunculo gracillimo valde elongato, labello rectan-
gulo retuso abbreviato, gynostemio elongato clavato
velutino (!) — Caulis secundarius adest quadripollini-
caris valde compressus alato-anceps. Folium perga-
meneum quadripollicare, unum pollicem latum apice
acutum basi rotundatum ceterum subaequilatum. Pedun-
culus inclusus ovario pedicellato bipollicularis. Bractea
vaginiformis supra medium. Sepala ligulato-linearia
subaequalia ringentia. Tepala linearia acuminata sub-
aequilonga. Labellum a basi humerata cordata diver-
gens, subito utrinque emarginatum apicem usque re-
tuso-rotundatum; linea media antice carinata; brevis-
simum. Flos illi Pleurothallidis undulatae paulo major,
siccus livide violaceus. An cum *Pl. gratiosa* Rchb. fil.
et *hemirrhoda* Lindl. ob pedunculos longe exsertos
aggreganda? — Agua de la Virgen.